

重建马鞍岭庙小序

今夫室家湫隘，爰臣者极欲更张；宫庙黍禾，恋主者几伤行迈。矧古刹为神灵妥栖之所，虽屡经竖造，而伊即倾颓，过思敬者，畴忍恣然已乎？

兹敝乡有马鞍岭庙者，位则面南沥而背北海。神则左，五谷而右，三婆赫赫者厥声耶？濯濯者厥灵耶？固已匪伊朝夕矣。顾斯土者，春祈秋报率其规；课□□晴偿其愿。乃至骚人逸士，时拾翠而登高；孝子慈孙，每踏青而荐熟，盖不□席此为憩息区也。争奈其时则几历星霜；其居则罔蔽风雨。爰联鸠众而筹款，或等狐集以成裘，所望诸君子工金共欣多助，庙貌复观维新。行见神光普照，福庇无疆，而敝乡幸甚，同人幸甚，是为序。

（按：此序不著年月，据时推之，当在光绪三十年上下。马鞍岭庙原名“神农庙”，庙门花岗岩石刻联云：“神灵濯濯；农庆生生”，为黄日章公手书。此联经大跃进时拆毁，后闻作盐田小门之用云。）

（摘自北海市志办历史资料卷4）